



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 20/460	Løpenr: 20/5076
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	11.06.2020	026/2020

Faste saker

11.06.2020 Kommunestyret:

Handsaming i møtet:

Godkjenning av møteinnkalling og sakliste

Jon Magne Borgevik (Ap) hadde følgjande merknader til møteinnkallinga:

- Han sakna årsmelding frå barnevernet og landbrukskontoret i sak 037/2020 (Årsmelding 2019)
- Han viste til sakspira i sak 039/2020 og spurde om Advokatfirmaet Elden berre har vurdert spørsmålet om erstatningssøksmål mot tidlegare tilsette, eller om han også har vurdert spørsmålet om erstatningssøksmål mot andre instansar. Ordførar Knut Harald Frøland (BI) orienterte om at ein ville koma tilbake til dette under handsaminga av saka.

Rådmann Charlotte Hageberg orienterte om at to saker som eigentleg skulle opp til handsaming i kommunestyret 11.06.2020, likevel ikkje kjem opp fordi administrasjonen ikkje har hatt kapasitet til å utgreia sakene. Dette gjaldt sak om heis på kommunehuset og tilstandsrapport kommunehuset og ungdomsskulen.

Det var ingen andre merknader til møteinnkallinga eller saklista.

Eventuelle merknader til protokoll frå førre møte

Ingen merknader.

Orienteringar

Orientering om prosjektet *Fylkesveg 49 Tunnel forbi Tokagjelet*

Vestland fylkeskommune v/Bente Øyre og Matti Torgersen orienterte om prosjektet *Fylkesveg 49 Tunnel forbi Tokagjelet*, og svarte på spørsmål frå kommunestyret. Denne presentasjonen vart halden før handsaminga av grunngevne spørsmål.

Presentasjon av Eikedalsvassdraget

Presentasjon v/Terje Engvik. Han svarte også på spørsmål frå kommunestyret. Denne presentasjonen

vert halden etter utvalet sitt kvarter.

Grunngjevne spørsmål

Grunngjevne spørsmål frå Samnanger Frp om diverse tema

Karl Bård Kollbotn (Frp) las opp spørsmåla. Rådmann Charlotte Hageberg las opp administrasjonen sine svar. Administrasjonen sine svar ligg som vedlegg til møteprotokollen.

Grunngjeve spørsmål frå Anja Elisabeth Gjerde Markhus (Bl) om motorsykkelkøyring på kveld/natt

Anja Elisabeth Gjerde Markhus las opp spørsmålet. Ordførar Knut Harald Frøland (Bl) svarte. Han har vore i kontakt med kommunen sin politikontakt om saka. Politiet er merksame på problemet, som finst i heile politidistriktet. Politiet vil truleg gjennomføra kontrollar i Samnanger, men talet på kontrollar vil av kapasitetsmessige årsaker truleg ikkje bli stort.

Grunngjeve spørsmål frå Ove Totland (Bl) om uteområdet på barneskulen

Ove Totland las opp spørsmålet. Rådmann Charlotte Hageberg las opp administrasjonen sitt svar. Administrasjonen sine var ligg som vedlegg til møteprotokollen.

Utvalet sitt kvarter

Ønske om tidsplan for svar frå administrasjonen

Odd Arne Haga bad om å få ein tidsplan for når Samnanger Frp kan forventast å få svar på dei grunngjevne spørsmåla som administrasjonen ikkje hadde svart på i møtet.

Ønske om auka kvotar for felling av hjort

Monica Tjønna viste til at hjortebestanden er svært stor. Ho bad kommunen om å oppmoda hjortevalda i kommunen om å arbeida for auka kvotar for felling av hjort.

Arbeidskle for tilsette

Monica Tjønna stilte spørsmål om ordningane som kommunen har for arbeidstøy til tilsette, mellom anna for vinterkle. Ho sa at tilsette i heimetenesta ikkje har gode nok arbeidskle for vinterforhold. Ho har også fått informasjon om at det ser ut til å vera forskjellsbehandling mellom grupper av tilsette i kommunen, og viste her konkret til forskjellar mellom ordningane for tilsette i heimetenesta og teknisk (samfunnsutvikling). Ho bad om at det enten blir innført ordning der tilsette får ein sum til dekking av utgifter til arbeidskle, eller at det blir innført lik ordning for alle som treng arbeidskle.

Ytringar frå folkevalde på internett

Martin Haugen (Bl) viste til diskusjon i tidlegare møte om korleis dei folkevalde ytrar seg i media. Han viste spesielt til innlegg frå rådmannen i formannskapsmøtet i februar 2020, der rådmannen uttrykte bekymring om korleis me snakkar med og om kvarandre i kommunen. Martin Haugen meinte at det etter førre kommunestyremøte var fleire eksempel i sosiale media der folkevalde kom med ytringar som ikkje er greie. Han viste her spesielt til ytringar i Facebook-gruppa "*For Samningar - Ope politisk forum*", og nemnde spesifikt behandlinga medlemmer i ungdomsrådet fekk der. Monica Tjønna (Sp), som er administrator for denne Facebook-gruppa, orienterte om at dette er ei privat side som ho har oppretta og som ikkje er i kommunen sin regi. Monica Tjønna orienterte òg om at ingen har rapportert inn til ho at dei føler seg krenka av innlegg/kommentarar som er lagt ut på denne sida. Ho oppmoda om at ho blir kontakta dersom nokon opplever seg krenka.

Vegnummerskilt

Jon Magne Bøgevik (Ap) spurde om kvifor det er sett opp ulike typar vegnummerskilt i kommunen - både einsidige (med vegnummer på ei side) og tosidige (med vegnummer på begge sider). Rådmann Charlotte Hageberg kunne ikkje svara på dette i møtet, men sa ho ville undersøkje saka.

Kapasitet i administrasjonen

Gunn Østvik Petersen (Ap) viste til at møteinnkallinga til kommunestyret vart sendt ut seint på kvelden 04.06.2020, og spurde om det er nok kapasitet i administrasjonen. Rådmannn Charlotte Hageberg orienterte om at den store mengda oppgåver gjer at det er høg arbeidsbelastning og ofte lange arbeidsdagar for tilsette i administrasjonen.

Finanisering av klasseset for 10. klasse

Lena Tveit viste til at 9. klasse ved Samnanger ungdomsskule manglar 60 000 kroner til sin planlagte skuletur til Voss Aktiv. Årsaka til dette er at dei ikkje har hatt moglegheit til å få inn planlagte inntekter (frå kafèdrift på ungdomsskulen) på grunn av koronasituasjonen. Dei har henvendt seg til Lena Tveit og spurt om kommunen kan dekkja den summen som manglar for å få gjennomført turen - for eksempel ved bruk av koronamidlar - eller ved å forskottera midlar som klassen må betala tilbake seinare. Ordførar Knut Harald Frøland (Bl) orienterte om at også 6. klasse har mista moglegheit til å få inntekter (frå 17. mai) på grunn av koronasituasjonen.

Besøksordning ved sjukeheimen under koronapandemien

Arild Røen (H) viste til at det er ulik praksis mellom kommunar når det gjeld besøkstider på sjukeheimar (for eksempel mellom Bergen og Samnanger). Han spurde om det kan gjerast noko for å samordna dette mellom kommunane. Rådmannn Charlotte Hageberg orienterte om situasjonen/ordninga i Samnanger og om bagrunnen for vala som kommunen har gjort. Kommunen sitt hovudfokus er å unngå å få koronasmitte inn på sjukeheimen.

KS- 026/2020 Vedtak:

Møteinnkallinga og saklista vert godkjent. Delegerede vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerede vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Delegerede vedtak/referatsaker.
Utvalet sitt kvarter.